

江蘇通志稿
山川編



地220
39
105

江蘇省通志稿山川編目錄

山川上編

江南諸山

淮北諸山

淮南諸山

江北諸山

山川下編

大海

大江

淮水

江蘇通志稿山川編

目錄

淤黃河

淮北運河

淮南運河

江南運河

淮北鹽河

淮南鹽河

淮東鹽河

淮北諸湖

淮南諸湖

江南諸湖



江蘇省通志稿

秦興 金 鉞 著

山川志

山川上編

江南諸山

鍾山

鍾山在江甯府上元縣朝陽門外東北十里山縱橫各十餘里本名金陵山吳孫權避祖諱改名蔣山以其地立漢秣陵尉蔣子文廟又名紫金山晉元帝未渡江時望氣者云山間常有紫氣也又名

江蘇通志山川編

山川上

江南諸山

一

北山即南齊周顒隱處明嘉靖中詔改為神烈山兩峯秀起北一峯最高其上為太子巖即昭明讀書臺八功德水在其下南有獨龍岡玩珠峯山半有應潮井又有半山墩為宋王安石舊宅所謂報寧禪院也夾道皆長松自山趾築道坡陀以登名曰龍尾山後有朝陽洞上有商飈館九日臺唐書地理志云江南道其名山衡廬茅蔣故以茲山為之冠焉其東稍南十里曰大城山亦曰象山長十里廣五里大城山北二十里間有羣山曰青龍山亦曰小山曰沙山亦曰林山曰仙花館山一曰李

冢山是山為三角形皆方不及五里又有三山相連屬者

曰裴山龜山玉龍山方一里有奇則句容大華山

之西南支隴也江南通志云大城山西接雁門北連竹堂乾隆一統志云雁門山周二

二十里山勢連互類北地雁門其東南十五里曰

青龍山長十里廣五里有奇西南兩峯曰馬鞍山

昔山山前有薜蘿洞山趾石堅而色青郡人多取

為碑礎通志云府東南六十里有湯山湯泉出其下四時常熱草木灌之愈鮮茂其東

稍北二十五里曰白山東南諸峯曰雞籠山斗山

孔山東北跨句容縣界山產白石白山西北里許

有龍王山縱橫各十餘里西麓斜出五里許曰楊

江蘇通志山川編 山川上 江南諸山 二

冢山其北有連岡狹長十里曰楊坊山馬方山其

北稍東二十里曰攝山長二十里廣五里有奇北

面俯臨大江山多藥草可以攝生故名山形方正

四面重嶺似繖一名繖山齊明僧紹居此後捨宅

為棲霞寺故又名棲霞山有千佛巖天闢巖半峰

澗白乳泉品外泉諸勝山舊有紗帽峯清高宗巡

幸嫌其近俚易名為冠玉峯山西相連屬者曰巴

斗山北亦瀕江救生局在焉巴斗山西有燕子磯

在觀音門外狹長十里磴道盤曲而上丹崖翠壁

渡口欲飛絕頂有亭能攬江天之勝通志云江寧府北觀音山

北濱大江連互幕府諸山皆峭削壁立形如錯繡
有觀音閣嵌懸岩上又有大壯觀山直瀆山

其西趾橫出曰雞籠山一名雞鳴山狹長里許晉

元帝以下五陵皆在山之陽宋時嘗以黑龍見湖

中故名龍山明初于山巔築臺置儀表名觀象臺

亦名欽天山左右列十廟繚以朱垣東麓有憑虛

閣普濟塔在閣後通志云又西為祇雞籠山西里

許曰覆舟山廣不及一里一名龍舟山又名元武

山其西北元武湖在焉山之東麓為東陵又東為

白朮坡舊有甘露亭瑤台閣風亭水井覆舟山北

五里曰鷄鳴山蟠龍山觀山三峯相連屬狹長五

江通蘇志山川編

山川上

江南諸山

三

里其西十里曰清涼山狹長五里有奇上舊有清

涼臺俯瞰大江唐翠微亭遺址在焉通志云山西

門外有四望山西臨大江南連石頭北接盧龍石

頭山又在石城門內因山為城因江為地謂之石首

山又名石城山下有龍洞亦名桃源洞山后有駐

馬坡東麓有虎踞關盧龍山一名獅子山山嶺綿

延似北地盧龍故名舊與馬鞍山相接盧龍之北

有幕府山即晉王導迎瑯琊王東渡建幕府處北

濱大江東南麓有武帳岡為古宣武場地仙人台

虎跑泉皆在其上又有夾蘿峯達摩洞山多石居
人為煨以灰又鍾山西南十五里曰雨花臺方五里
有奇石
寶山山麓有梅岡為郡人游覽勝地又三十里曰
翠屏山方五里山色碧如翠羽因名山北峯曰降

為

魔山其南有塔山西里許有山大倍翠屏山稍南

曰牛首山方五里有奇舊名牛頭山一名仙窟山

又名天關山上有二峯東西相對名曰雙關西峯

中有石窟不測深淺山南有芙蓉峯北有大石中

空如臥鼓容數百人自山椒起石磴數百級杉檜

行列而上有白龜池虎跑泉又有捨身臺側懸

崖突出曰兜率岩其下為文殊洞山巔含虛閣前

對三山一繞志云山濱大江有三峰南北相接晉

王濬伐吳自牛渚順流鼓棹徑造三山即此大江旁繞尤為勝處山南相連屬者曰祖堂山

宋大明初于山南建幽棲寺因名幽棲山唐貞觀

中改又名花巖山有芙蓉峯拱北峯桃花洞西風

嶺石窟獻花巖諸勝祖堂山西里許曰官山狹長

十里又西十里有奇曰斷山四方五里其南里許

曰吉山方五里吉山西三十五里曰烈山居大江

中方不及一里四面峭絕風濤洶湧宋晁補之以

比潤州之金山烈山稍北有烏石磯又北五里有

仙人磯一名馬山又北十里有奇有兔兒磯皆居

江中皆方不及一里兔兒磯上有孝佛寺救生局

在焉其西稍南六十里曰云台山長二十里廣五

里有泉石之勝山南古松高百尺迤西十里有虎

肱洞山之西南相連屬者曰墓棋山西跨安徽當塗縣界其與山相接者北有龍山彎彎頭山西有興麴山石山南有史埠潭各方五里有奇皆接當塗縣界其西南七十里曰天竺山方不及十里本名多野山東南有水下注慈姥浦山之諸峯曰馬家山孃孃山南曰洪墓山跨當塗縣界又西曰獅子山則隸當塗境矣其南二十里曰土山方一里有奇一名東山無岩石下有湖水晉太原中謝安于此營墅樓館竹林甚盛謝公墩在焉又三十里曰方山方十里山四面等方孤絕一名天印山上

芝山

芝山在溧水縣城東南四十里北曰上芝山南曰下芝山狹長二十里南跨高淳縣境山產芝草因名有洞數十梅仙洞漢梅福居之李洞泉出沸湧燕洞有石燕遇雨則飛上芝山西相連屬者曰方

山其北嶺曰楊樹山下芝山西有白雲峯其南嶺曰金山荆山鍾堂山上芝山北五里曰惠封山方五里有奇山東北相連屬者曰掌山掌山稍東曰常山方里許東跨溧陽縣界又北二十里曰東廬山狹長十餘里漢嚴光嘗結廬于此因名東廬山稍南曰南山其南嶺曰笠帽山山之西北縱橫各二十餘里間多小山其稍大者曰獅子山大倪山東山其西北十里夾山羊毛山共山皆方不及五里其西北十里曰清洪山方不及十里山之三峰東曰新胡山西曰鳳官山北曰何山山上有石龍潭土人采石于此清洪山稍南曰南山西峰曰官山南諸峯曰蚤

子山石山竹山冬青山土貝山天台山又稍西曰小南山山之三峯北曰陳樓山南曰引虎山左家山皆廣與清洪等而長倍之清洪山稍北尚有數小山其較大者曰萬里方五里許又二十五里曰中山方不及一里山出兔毫為筆精妙唐宋皆以克貢一名獨山謂孤筆不與羣山接也或說為濁山又三十里曰馬陵山在縣城西門外方不及五里馬陵山西五里許曰柘山又名小茅山大與馬陵山等其西十里曰長山狹長五里有奇又三十里曰鳳栖山方不及五里其南峯曰光山北瀕石臼湖山水湖光極雲水湖

光之勝鳳栖山之西北有甲魚山龜山銅山皆在

湖中去岸各數里其大皆與鳳栖等通志云石羊山在溧水縣

西南三十七里舊名金華山即黃初平叱石成羊處有牧羊仙洞下芝山自南嶺

荆山以下屬高淳縣境在縣治所東北四十里其

西五里曰大山方五里山之三峯北曰薛山南曰

朱山南山其西南十五里曰大游山狹長不及十

里山中峯曰五龜山東峰曰大芝山上有北極廟

又三十里曰花山方五里山北一峯曰茅山南三

峯曰竹山馬鞍山尖山茲山最高上產白牡丹故

名大游花山之間有湯山皆小山花山稍南曰九龍山方五里

江蘇通志山川編

山川上

江南諸山

七

西嶺曰蔣山南嶺曰金山猪婆山九龍山西五里

曰康西山與九龍之南嶺皆跨安徽宣城縣界

茅山

茅山在句容縣城東西三十里山之東半境跨鎮

江府金壇縣界其東北斜出而相連屬者曰花山

並跨金壇丹徒兩縣界山長三十里廣者十餘里

本名句曲以形似巳字又名巳山漢時有咸陽三

茅君得道來掌此山因易今名山有三高峯曰小

茅峰中茅峰大茅峰陶宏景所居五雲峰在小茅

峰側一統志云良常山在小茅峯之北秦始皇登

句曲北垂嘆曰巡狩之樂莫過于山海自今

以往良為常矣因改山有丹砂鎮北山山泉皆赤

飲之延年山間有三官殿華山寺山之勝境為洞

為巖為泉為澗為岡為峪不可悉紀其北四十里

曰崙山縱橫各二十餘里東連丹徒縣境之西山

山北諸峯曰香壚山老人山四方山武岐山山絕

頂石壁舊有唐謁者伍遵靈得道記下有伍遵靈

潭通志云竹里山戌山皆在縣北六十里竹里山

道于此戌山北臨大江相其北稍西四十里曰大

華山西連上元縣境之白山其大亦如崙山一名

花山秦淮水源于此昔薛秦答梁武帝問云華山

高九里與蔣山等泉水倍多也山之西南麓曰趙

王山其西諸峯曰銅山李山七里山鼓山馬鞍山

青龍山黃龍山赤堰山安基山山間有華山隆昌

慧佑等寺山北即龍潭鎮一統志云射鳥山在句

出此一其西四十里曰赤山方不及五里北接上

元縣境唐天寶中更名絳巖山赤山湖在焉又西

三十里曰邱山狹長五里有奇其西稍南十五里

曰巫山長二十餘里廣者五里有奇西連溧水縣

界其西北斜出五里許曰金山屬溧水縣境其與

茅山南尾相接者有山袤長三十餘里北段曰方山縱橫各十餘里中跨金壇縣境本名四平山以山頂平行故名山有白石洞青龍洞石馬澗象鼻峰桃花界諸勝其西有鑄劍坑相傳吳王嘗使歐冶鑄劍于此中段曰了髻山方亦十里東跨金壇溧陽兩縣界兩峯嵯峨聳秀如髻一名仙了山一名恰憤山南段曰瓦屋山長十五里有奇廣五里東跨溧陽縣境山形連亘兩岸隆起如屋故名三山皆相連屬迤邐縣延而合于巫山之南趾茅山自小茅峯東迤南為山之南段屬鎮江府金

壇縣境在縣城西北三十五里山東麓兩峯北曰枹璞南曰團山其南尾相接之方山北有峯曰磨盤山與了髻山瓦屋山皆詳上篇其東南三十里曰顧龍山小如卷石其上有塔又五十五里曰大涪山方不及一里居洮湖東岸南跨宜興北跨溧陽兩縣界大涪山東北里許曰楊家山大興之等亦瀕湖其南稍東五十五里曰小涪山大亦如之居湖中水四面環感浪如雪水底有石室故又名白石山其南瀕湖之南委屬溧陽縣境在縣城北十五里

湖南陸委東岸有周山
西岸有土山皆極小者

又五十五里曰山

山方五里有奇一作岳山又名山亭山西近洮湖東接宜興縣界山之巔折而為脊名優曇芥北望湖光空明如洗有泉甘冽其南五十五里曰燕山方不及五里形如飛燕上有雲鶴菴燕山稍東曰小燕山稍東北曰仙人山又北曰小山山北麓有石壁奇峯小山東曰茨山山之東面石壁臨溪勢如削成上有龍潭燕山稍東南曰屏風山形如屏風故名屏風山南曰丁家山燕山稍西南曰吳冶嶺又西曰小山嶺又西曰九龍山以上諸山惟小燕九龍畧大方逾一里餘皆小山也又七十五里

曰桂林山縱橫各十餘里山北麓曰菴山南諸峯曰洪山唐山高山常山山後有大磐石二一曰太古元貞一曰留雲桂林山東北十里曰峒山狹長不及五里西北五里曰胡嶺圓徑里許稍東有丁山靈山小山皆荆溪羣山之西麓迤邐十里而至東之極南曰石門山山脈西趨為金牛嶺又五里為仙山又五里為青峰嶺則又皆安徽廣德州境羣山之北麓也

丁山靈山之西石門仙山之北有大不及太婆之半又八十里曰伍牙山一名護牙山長五里有奇廣五里下有子胥祠祠側有潭可以粵禱

伍牙山稍南有官山在縣境者方不及五里南跨安徽建平縣界其西南三十里曰曹姥山一名曹山長五里廣半之相傳有曹姥獨居此山死葬山下後人為立祠曹姥山北五里曰分界山方不及一里為梁水縣境交界處

北固山

北固山在丹徒縣北狹長不及五里內跨府城下臨長江迴嶺陡絕其勢險固故名梁武帝于此登望改為北顧山東南麓曰龜山上有甘露寺西有秋月潭走馬澗西南有鳳皇池天津泉佷石山後

有鐵柱峯一名石帆觀音閣在其下其東五里曰象山大與北固等舊名石公山臨江與焦山對峙為郡門戶山形如雙象南麓曰花山巖下有石洞焦山居大江中方不及五里距岸五里在北固山東北亦五里以後漢隱士焦光居此而名一名譙山一名樵山一名浮玉山今巖石有題刻浮玉山字山巔盤礴處曰焦仙嶺西曰觀音巖南曰羅漢巖西南曰瘞鶴巖又有海雲巖半巖有三詔洞傍曰棧道巖西北有碧桃灣東北有青玉塢山之支隴東出有二島對峙江流中曰海門山亦名雙峯

山今謂之螺壳崔墓兩山者是也其西五里曰蒜山山多澤蒜故名唐陸龜蒙題作蒜山方不及一里舊寬廣可容萬人宋元間淪入江今西津渡口孤峰在焉蒜山稍西曰玉山亦瀕江大興之等又五里有奇曰金山方不及一里以唐時裴頭陀于此開山得金賜名古名氏父山一曰護符山晉破符堅獲氏置此山下因名又名伏牛山宋真宗尚夢遊其地又改名龍游山又名浮玉山以是山大江環繞每風四起勢欲飛動故南朝謂之浮玉郡山本在大江中今沙漲已成平陸遂移居江岸山

最高處曰金鼇峰妙高峰山巔有塔東曰日照巖金玉巖妙空巖朝陽洞龍洞西曰頭陀巖裴公洞北曰白衣洞飛雲洞山稍東曰舵山一名鶻山即善財石稍西曰木魚山一名石排山隱出水面若潭筏然二山皆培塿也木魚山之南郭璞墓在焉近墓有中冷泉舊皆在水中今亦上陸世稱金焦北固為京口三山云

京峴山

京峴山屬丹徒縣境在府城東門外縱橫各五里有奇京口因是得名或曰京峴本二山府西南有

峴山此為京山也山之羣峯東曰汝山西曰老虎山南曰東山西南趾曰寶塔山有塔在焉距山之陽五里曰四面山長十里廣五里又二十里曰小茅山縱橫各五里四面山東五里有奇曰洪山大興之等洪山東里許曰官山方一里北趾入江又十里許曰龍洞山狹長五里其東稍南十里曰雩山上有昭應廟禱雨輒應山南隴曰老鼠山東隴曰大瀆山東迤南曰觀山破跡山南山迤北曰孃子山諸山錯互連續縱橫各十里有奇由此自山之朱彎岡趨東北沿江縣亘十里而至大山又五

里至道士山皆廣不及五里道士山東北曰圖山縱橫各五里有奇山環大江江流自西而北而東轉折迴泐層巒峭壁俯瞰湍波京口之咽喉也山出火石有上下二劍洞其巔有塔下有東霞寺山之南嶺曰橫山西嶺曰五峰山又西至山脉盡處曰龜頭山其西五里曰鎮屏山方不及一里下有潮音洞鎮屏山稍南曰銀山舊名土山元時以與金山對峙易今名銀山南相連屬者曰云台山京畿嶺獅子山寶蓋山諸山共狹長五里有奇寶蓋山稍南曰峴山方不及五里稍西曰黃金窰山方

一里許峴山稍南曰板山西嶺曰檀山狹長五里其西南五里曰菊花山一名觀音山方不及五里又五里有奇曰招隱寺山其南有獅子窟本名獸窟山宋處士戴顓隱焉因易今名梁昭明太子讀書于此石案猶存上有招隱洞下有真珠泉虎跑泉昭明所開古井及玉藥亭是山諸峯相連屬縱橫各十餘里招隱北曰橫鶴山一名黃鶴山宋武帝微時游息于此有黃鶴飛舞其上故名本名黃鵠山宋元嘉中衡陽王義季鎮京口迎戴顓來此山北有竹林精舍林澗甚美顓息于此帝嘗曰吾

東巡當宴戴公山下也故又名戴公山又北迤東曰磨筭山顓女于此磨筭矢不適人因名南曰鳳皇山其東嶺曰雌山又南曰洪山山林壑靜邃緣谷口入溪流涓涓曰八公洞西曰九華山又西迤南曰夾山唐僧夾山于此說法曰白鶴山其西稍南十五里曰五洲山一名五州山縱橫各五里有奇相傳登山絕頂望見五州故名梁武帝幸此輦道尚存山東長嶺曰小樓山東南峰曰招山山間有泉其流所匯曰夕溪自此更迤南而西皆羣山五洲山南里許曰雞籠山山東兩峯北曰東山南

曰長山山西兩峯北曰南石岡南曰西伽山全境
縱橫各十餘里雞籠山南五里曰塔山狹長五里
五洲山西五里有奇曰朝鳳山東峰曰香山西峰
曰小茅山方五里有奇小茅山迤南蜿蜒而下長
五里許曰大山曰西山折而東南趨亦長五里曰
高麗山東北有峯斜出曰黃山方不及五里一峰
中斷曰趕船山方一里許又東南趨長五里許曰
少姑山刺栗山南青山至此復與雞籠山南趾相
接自大山以下之在縣境內者皆廣不及五里南
山僅狹諸山之西南隴皆跨句容縣界又八十里

曰華山即古樂府所謂華山畿也一曰花山南峯
曰鬱岡山袤長十里廣者五里則句容茅山東北
麓連屬之山入於縣境者也南隴仍跨金壇縣界
其南四十里曰鳳皇山方不及一里屬丹陽縣境
在縣城西南五里其南稍東十五里曰老鴉山長
五里許廣半之又二十里曰函金山方五里有奇
山西北麓有白龍寺又二十五里曰九齡山長十
里廣半之山有九峯相連屬其下有桃花澗山東
南兩峯曰白土山茅山西北峯曰周山西南峯曰
闕山正西峯曰黃連山相傳有黃蓮樹生其上大